

রেজিস্টার্ড নং ডি এ-১

বাংলাদেশ



গেজেট

অতিরিক্ত সংখ্যা
কর্তৃপক্ষ কর্তৃক প্রকাশিত

বৃহস্পতিবার, সেপ্টেম্বর ৪, ২০১৪

গণপ্রজাতন্ত্রী বাংলাদেশ সরকার
পার্বত্য চট্টগ্রাম বিষয়ক মন্ত্রণালয়
প্রজ্ঞাপন

তারিখ : ১৯ ভাদ্র, ১৪২১ বঙ্গাব্দ/৩ সেপ্টেম্বর, ২০১৪ খ্রিস্টাব্দ

এস, আর, ও নং ২২৭-আইন/২০১৪—পার্বত্য চট্টগ্রাম আঞ্চলিক পরিষদ আইন-১৯৯৮ (১৯৯৮ সনের ১২ নং আইন) এর ধারা ১১ এর সহিত পঠিত উক্ত আইনের ধারা ৪৬ এ প্রদত্ত ক্ষমতাবলে পার্বত্য চট্টগ্রাম আঞ্চলিক পরিষদ সরকারের পরামর্শক্রমে নিম্নরূপ প্রবিধানমালা প্রণয়ন করিলেন, যথা ঃ—

১। সংক্ষিপ্ত শিরোনাম ঃ

- (১) এই প্রবিধানমালা “পার্বত্য চট্টগ্রাম আঞ্চলিক পরিষদ চেয়ারম্যান ও সদস্যগণের সুযোগ-সুবিধা প্রবিধানমালা-১৯৯৯” নামে অভিহিত হইবে।
- (২) চেয়ারম্যান ও সদস্যগণ যে তারিখে দায়িত্বভার গ্রহণ করিয়াছেন উক্ত তারিখ হইতে এই প্রবিধান বলবৎ হইবে।

২। সংজ্ঞা —বিষয় বা প্রসঙ্গের পরিপন্থী কোনো কিছু না থাকিলে এই প্রবিধানমালায়,

- (ক) “পরিষদ” অর্থ পার্বত্য চট্টগ্রাম আঞ্চলিক পরিষদ;
- (খ) “চেয়ারম্যান” অর্থ পরিষদের চেয়ারম্যান;
- (গ) “সদস্য” অর্থ পরিষদের সদস্য।

৩। চেয়ারম্যানের সুযোগ-সুবিধা ঃ

- (ক) চেয়ারম্যান প্রতিমন্ত্রীর অনুরূপ ভাতা এবং সরকার নির্ধারিত অন্যান্য সুযোগ-সুবিধাদি পাইবেন;
- (খ) চেয়ারম্যান পরিষদ কর্তৃক প্রদত্ত অন্যান্য সুযোগ-সুবিধাদি পাইবেন।

(১৮০৬১)

মূল্য ঃ টাকা ৪.০০

৪। পরিষদের সদস্যগণের সুযোগ-সুবিধা—পরিষদের প্রত্যেক সদস্য নিম্নরূপ সুযোগ-সুবিধা পাইবেন :

(ক) পারিতোষিক প্রতিমাসে ১০,০০০ (দশ হাজার) টাকা পাইবেন;

(খ) বাড়ী ভাড়া ভাতা—

(১) ভাড়া করা বাসায় বসবাস করিলে প্রতিমাসে ৫,০০০(পাঁচ হাজার) টাকা বাড়ী ভাড়া ভাতা পাইবেন।

(২) নিজস্ব বাড়ীতে বসবাস করিলেও বাড়ী ভাড়া ভাতা হিসেবে নির্ধারিত ৫,০০০ (পাঁচ হাজার) টাকা পাইবেন;

(৩) পরিষদ কর্তৃক বরাদ্দকৃত বাসায় বসবাস করিলে কোনো প্রকার বাড়ী ভাড়া ভাতা পাইবেন না;

(৪) নিজস্ব বাড়ীতে বসবাস করিলে বাড়ীর রক্ষণাবেক্ষণ ব্যয় বাবদ বার্ষিক এককালীন তিন মাসের বাড়ী ভাড়া ভাতা পাইবেন।

(গ) আপ্যায়ন ভাতা প্রতিমাসে ১,০০০ (এক হাজার) টাকা পাইবেন।

(ঘ) চিকিৎসা ভাতা প্রতিমাসে ১,০০০ (এক হাজার) টাকা পাইবেন।

(ঙ) ভ্রমণ ভাতা দেশের অভ্যন্তরে স্থল/জলপথে যে কোনো যানবাহনে সর্বোচ্চ শ্রেণিতে যাতায়াতের ভাড়া অথবা বিমানের ভ্রমণের যাতায়াত ভাতা পাইবেন।

(চ) দৈনিক ভাতা—

(১) পরিষদের কাজে পার্বত্য চট্টগ্রামের অভ্যন্তরে ভ্রমণ করিলে অথবা পরিষদের অধিবেশন চলাকালীন বা কমিটির বৈঠকের সময়ে দৈনিক ১৫০ (একশত পঞ্চাশ) টাকা পাইবেন;

(২) পরিষদের কাজে পার্বত্য চট্টগ্রামের বাহিরে ভ্রমণ করিলে দৈনিক ২০০ (দুইশত) টাকা পাইবেন।

(ছ) টেলিফোন-পরিষদ সদস্যগণের বাসভবনের জন্য টেলিফোন প্রাধিকার থাকিবে। প্রতিমাসে টেলিফোন ব্যবহারের বিল বাবদ ২,০০০ (দুই হাজার) টাকা পাইবেন।

(জ) গাড়ী-পরিষদের কাজে পরিষদের গাড়ী ব্যবহারের সুযোগ পাইবেন।

৫। সংশোধন : প্রয়োজনবোধে এ প্রবিধানমালা সংশোধন করা যাইবে।

রাষ্ট্রপতির আদেশক্রমে

নব বিক্রম কিশোর ত্রিপুরা, এনডিসি
সচিব।